

Na osnovu člana 13. Zakona o principima lokalne samouprave u Federaciji Bosne i Hercegovine (Sl. novine F BiH broj 49/06 i 51/09), člana 21. Statuta općine Teočak (Sl. bilten Općine Teočak broj 5/08 i 2/12) i člana 7. stav 1. tačka 12. Odluke o utvrđivanju osnovica, stopa i načina obračunavanja i uplate doprinosa za obavezno zdravstveno osiguranje na području Tuzlanskog kantona (Sl. novine TK-a broj 1/10, 9/12, 4/14, 16/14, 7/15, 17/15 i 5/16), Općinsko vijeće Teočak na sjednici održanoj 05.01.2021. godine donosi:

## **O D L U K U**

**o postupku za ostvarivanje prava na obavezno zdravstveno osiguranje osoba koje su u stanju socijalne potrebe**

### **I Opće odredbe**

Ovom Odlukom utvrđuju se korisnici prava na uplatu doprinosa za obavezno zdravstveno osiguranje, kriteriji na osnovu kojih korisnici mogu ostvariti ovo pravo kao i postupak za ostvarivanje navedenog prava.

### **II Korisnici prava na uplatu doprinosa za obavezno zdravstveno osiguranje**

Korisnici prava na uplatu doprinosa za obavezno zdravstveno osiguranje su osobe koje imaju stalno prebivalište na području Općine Teočak i nalaze se u stanju socijalne potrebe, a pravo na zdravstveno osiguranje ne mogu ostvariti po bilo kojem drugom osnovu.

### **III Postupak za ostvarivanje prava na uplatu doprinosa za obavezno zdravstveno osiguranje**

Pravo na obavezno zdravstveno osiguranje utvrđuje se u postupku kod JU „Centar za socijalni rad“ Teočak.

Postupak za ostvarivanje prava na uplatu doprinosa za obavezno zdravstveno osiguranje pokreće se na zahtjev stranke ili po službenoj dužnosti od strane JU „Centar za socijalni rad“ Teočak.

Ukoliko je stranka maloljetna, u njeno ime zahtjev podnosi roditelj, staratelj ili usvojitelj.

### **IV**

Uz zahtjev iz tačke III ove Odluke stranka je dužna priložiti dokaze o ispunjavanju uslova za ostvarivanje prava na uplatu doprinosa za zdravstveno osiguranje kako slijedi:

- a) Obrazac PBA 3 – dokaz o prebivalištu na području Općine Teočak, ukoliko se zahtjev podnosi za malodobnu osobu uz njen Obrazac PBA 3, a potrebno je dostaviti i Obrazac PBA 3 za roditelje, staratelje ili usvojitelje, kopiju lične karte za roditelje, Izvod iz matične knjige rođenih, zdravstvene legitimacije,
- b) Ukoliko je podnosilac zahtjeva na evidenciji Službe za zapošljavanje potrebno je dostaviti Uvjerenje u kome će biti naveden razlog zbog koga je podnosilac zahtjeva izgubio pravo na obavezno zdravstveno osiguranje kao nezaposleno lice,
- c) Uvjerenje mjesno nadležne poslovnice Zavoda zdravstvenog osiguranja Tuzlanskog kantona da podnosilac zahtjeva nije zdravstveno osiguran po drugom osnovu,
- d) Uvjerenje nadležne Porezne uprave da osoba nije zaposlena i da nema zdravstveno osiguranje te da nema ranijeg duga po osnovu ne uplaćenog doprinosa za obavezno zdravstveno osiguranje u periodu od 6 mjeseci prije izdavanja uvjerenja,

- e) Uvjerenje nadležne službe za boračko-invalidsku zaštitu da podnositelj zahtjeva ne koristi zdravstveno osiguranje putem Ministarstva za boračka pitanja,
- f) Po potrebi i drugi dokazi  
Dokumentacija iz stava 1. dostavljaju se u originalu ili ovjerenj fotografiji i ne smije biti starija od 6 mjeseci od dana podnošenja zahtjeva.

#### V

Postupak za ostvarivanje prava na osnovu ove Odluke u prvom stepenu provodi JU "Centar za socijalni rad" Teočak u skladu sa odredbama Zakona o upravnom postupku i drugim važećim propisima koji regulišu ovu oblast.

Pravo na obavezno zdravstveno osiguranje utvrđeno Rješenjem JU „Centar za socijalni rad“ Teočak trajat će dok postoje Zakonom propisani uslovi za korištenje priznatog prava, a kontrolu korištenja istog vršit će JU "Centar za socijalni rad" Teočak najmanje jednom godišnje.

#### VI

Prijavu, odjavu i obračun sredstava za zdravstveno osiguranje neosiguranih lica po ovoj Odluci vršit će JU "Centar za socijalni rad" Teočak na mjesečnom nivou.

Uplata sredstava po ovom osnovu, a nakon pravosnažnosti rješenja JU "Centar za socijalni rad" Teočak vršit će Služba za privredu, finansije, prostorno uređenje i civilnu zaštitu Općine Teočak.

#### VII

Sredstva za realizaciju ove Odluke obezbjeđuje se u budžetu Općine Teočak.

#### VIII

Ova Odluka stupa na snagu osmog dana od dana objavljivanja u Službenom biltenu Općine Teočak, a primjenjivat će se od 01.01.2020.godine.

Bosna i Hercegovina  
Federacija Bosne i Hercegovine  
Tuzlanski kanton  
Općina Teočak  
Općinsko vijeće Teočak  
Broj: 01-31-06-06/21  
Teočak, 05.01.2021.godine



Predsjedavajući Općinskog vijeća Teočak

Nusret Džuzdanović